

中國宗教歷史文獻集成續纂委員會續纂

卷一百一十五

藏外佛經

新學社
藏外佛經
PDF

中國宗教歷史文獻集成之一

藏外佛經

新學社
PDG

中國宗教歷史文獻集成編纂委員會編纂

藏外佛經

第十二冊

黃山書社

新學
社
PDG

图书在版编目(CIP)数据

中国宗教历史文献集成. 12, 藏外佛经/周燮藩主编; 方广锬分卷主编. - 合肥: 黄山书社, 2005. 10
ISBN 7-80707-295-4

I. 中… II. ①周…②方… III. ①宗教-史籍-中国②佛教-文献 IV. ①B929.2②B94

中国版本图书馆 CIP 数据核字(2005)第 117048 号

数字资源
PDG

藏外佛經第十二冊目次

楞嚴蒙鈔六十卷

錢謙益著
清刻本

.....一

錢謙益著

清刻本

楞嚴蒙鈔六十卷

光緒十有五年孟春重刻

大佛頂楞嚴蒙鈔



蘇城瑪瑙徑房藏板流通

佛頂蒙鈔目錄後記

萬曆己亥之歲蒙年一十有八我神宗顯皇帝二十有七年也。帖括之暇先宮保命閱首楞嚴經。中秋之夕讀衆生業果一章忽發深省。寥然如涼風振簾晨鐘扣枕。夜夢至一空堂。

世尊南面凝立。眉間白毫相光昱昱面門。佛身衣袂皆涌現白光中。旁有人傳呼禮佛。蒙趨進禮拜已。手捧經函。中貯金剛楞嚴二經。大學一書。

佛頂蒙鈔目錄後記

一

世尊手取楞嚴壓金剛上。仍面命曰。世人知持誦金剛福德。不知持誦楞嚴。福德尤大。蒙復跪接經函肅拜而起。既寢。金口圓音。落在耳。由是憶想隔生。思惟昔夢。染神浹骨。諦信不疑矣。備官詞林。討論典故。聞嘉靖中內江趙大洲教習席吉士。課讀楞嚴。謂諸君年長四十。少亦三十。不以此時讀此經。待何時耶。三復斯語。鞭影入心。不自知口呿齒擊。急杵撞胸也。頓踏仕途。流離國難。萬死備嘗。一身餘幾。波叱填耳。

斧鎖攢軀。血路魄迴。刀山魂返。噩夢乍歇。藏識孤明。楞嚴積因。影現心目。經言如汝昔年。覩一奇物。經歷年歲。忽然覆覩。記憶宛然。曾不遺失。誠哉是言也。庚寅之冬。不戒於火。五車萬卷。蕩爲劫灰。佛像經廚。火燼輒返。金容梵夾。如有神護。變懼良久。矍然憬悟。是誠我

佛世尊。深慈大悲。愍我多生曠劫。遊盤世間文字海中。沒命洄淵。不克自出。故遣火頭金剛。猛利告報。相

佛寶藏鈔目錄後記

二

拔救耳。剋念瘡癘。痛求對治。剗心發願。誓盡餘年。將世間文字因緣。迴向般若。憶識誦習。緣熟是經。覽塵未忘。披文如故。撫劫後之餘燼。如寤時人。說夢中事。開夢裏之經函。如醒中人。取夢中物。此佛頂蒙鈔一大緣起也。竊自循省。厥因有三。名言習氣。書生筆格。剽觀河之玄義。模寫逝川。拾圓通之剩文。發揮耳順。採掇菁華。鋪陳粉繪。添乳中之水。礪彼醍醐。收茹後之泥塗。茲場地博易不殊搏黍。遊戲亦類聚沙。其因

一也。上黨舊游。曾遺正脈。交光正脈。友人程孟陽游澤路得本。吳門法侶。先贈圓通。

我曰。此後時閱首楞標準也。迨三篋得脫沈灰。而二本仍棲舊庋。惟茲初簣。用爲先資。雖非

覺海之全珠。抑亦昏塗之束炬。其因二也。東海徵心。

少依講席。指東溟管子。牢山懸鏡。長侍巾瓶。指海印。典

刑日遠。記前自慙。違先生之況岐路茫茫。煩智者之

訶。問橋種種。迴心遲暮。仰託師承。灌頂之大法。昭然

覺迷之緒言。具在。入室敢同真子。泛海終藉導師。其

因三也。此經章門廣博。標指參差。三觀橫分。三摩錯

佛寶藏鈔目錄後記

三

互。舊解旣表中未定。新章亦逐北同走。竊欲甄明總

別。參詳異同。搜剔本根。薙剗稂莠。務俾鈐鍵開滌。教

觀分明。入三摩地門。照涅槃日。示明了還家之路。修

三無漏學。濯奢摩水。斷輪迴生死之根。庶可以上報

佛恩。下酬誓願。是本心也會粹一經。披尋三載。鈔略

十卷。但是筌筴。語決十章。敢云懸敘。懸懸天鳥。鈍笑

人牛。斯所以執簡汗顏。臨文永歎也。昔者宋學士景

瀛嘗言清涼大士一遵

如來遺教學無常師問律於澧公受南山行事於曇
一傳涅槃起信法界觀還源記於瓦官咨稊華於大
洗習天台止觀法華維摩等疏於荆溪參決南宗禪
學於牛頭忠徑山欽羣機盡攝萬理俱融卓然爲一
代之師去聖日遠末學支分欲總萃諸家折衷融貫
恨鮮有可言斯事者居今之世末法倒瀾時教凌夷
魔外鋒起誠欲兼綜性相和會台賢挾搥生盲杖柱

佛頂蒙鈔目錄後記

四

惡覺故當弘闡此經導其先路斯則照萬法之智燈
燭羣邪之心鏡撈籠末劫津筏異生者也標斯言於
經首庶以當發願文仰扣三尊冥求加被世之法將
有智覺轉輪深心荷擔如學士其人者施我慧目鑒
而助之歲在闕逢敦牂九月三日海印弟子虞山蒙
叟錢謙益焚香肅拜敬書於絳雲餘燼處之右廂
錢謙益曰蒙之鈔是經也創始於辛卯歲之孟陬月
至今年中秋而始具草歲凡七改藁則五易矣七年

之中疾病侵尋禍患煎逼僦居促數行旅喧呶無一
日不奉經與俱細雨孤舟朔風短檠曉窗雞語秋戶
蟲吟暗燭蠅筆殘膏漬紙細書飲格夾註差行每至
目輪火爆肩膊石壓氣息交綴懂而就寢蓋殘年老
眼著述之艱難若此今得潰於成焉幸矣削藁蠲就
編排略畢插架閣筆喟然三歎何歎乎蓋深歎夫解
經之實難而古人之未易以幾及也蒙初緝此經疏
解上溯資中下循長水文質理精詞簡義富有讀之

佛頂蒙鈔目錄後記

五

三四過猶未了者有繹之三四年始得解者少言多
義自古皆然無不契真無不成觀今師箋釋波瀾滿
紙少時涉眼亦自爛然旋目觀之氣味索薄如翳眼
亂華都無生處其或披新獵異自數珍寶不知互互
料簡胥爲芻狗之已陳又或立義開章別安眉目不
知彼彼具舍元是離落之長物去古久遠聖師不作
學者之智日蠱則心益不小學日陋則見益不圓未
了宗源輒加掣剝不詳利病先設砧椎道安有言豈

將不知法者勇乎。蒙爲此懼。蓋已有年。鈔略一周。平心普告。竊謂自今已往。一切大乘契經。與夫諸聖造論。宗趣深遠。義疏繁夥者。胥當依佛頂之例。權閣今文。先宗古釋。務俾先佛心宗。與古師教眼。分齊脗合。血脈疏通。大義炳然。微言不墜。然後網羅多家。衷其得失。將使四河俱入。勿令一漚自認。如是。則如來之慧命續矣。法燈衍矣。宗教不患乎分塗。魔外不憂其熾盛矣。正法難聞。魔民未愆。汝遵佛語。名報佛恩。凡

他寶家鈔目錄後記

本

我善友。無忽苦言。共截象流。免游兔徑。如以爲是。古非今。卑他尊己。大妄語成。墜無間獄。佛有明誨。敢食斯言。是鈔也。激贊諸決。親加標目。愆恩卒業。發願流通者。蒼雪徹師也。指決三摩。冥符古義。相期揚權。未覩厥成者。蒲益旭師也。與聞草創。其事藍縷。採掇清涼。伏助旁論者。舍光渠師也。指瑜伽之教。相考匿王。之生年。搜剔小宗。旁資引證者。楚松影省師也。明鏡清流。不辭披拂。霜天雪夜。其許參求者。長干社中勛

伊閒師。介立旦師。雪藏韶師。介正殘師也。耳目濡染。晨夕扣擊。歡喜贊歎。異口同音者。里中石林源師。及亡友陸銑孟亮也。敢告諸方。勿悵誨迪。凡霑法乳。敬竣續書。歲在強圉。作臘中秋。十有一日。輟簡再記於碧梧紅豆莊。是歲長至日。書於長干大報恩寺之修藏社。

丁酉長至。遇雪藏韶師於長干。出斯鈔就正。韶師偕介正殘師。呵凍開卷。廢寢食。五晝夜。讀罷。說八偈以唱。歎介正告我曰。雪老教乘宿學。不妄許。可一字。謂此鈔得楞嚴大全。古聖師面。目各在。亟宜流布。勿復

佛頂家鈔目錄後記

七

疑滯。踰三年己亥。江邨歲晚。覆視舊稿。良多駭駭。擲筋力。刊定繕寫。寒燈黯淡。老眼昏花。五閱月。始輟。簡卷帙。丁韶師順世之音。旋至。及門之士。伏助鉛槧。若毛晉黃翼何雲者。一歲中。相繼捐館。法將徂謝。伴侶凋零。少分緇經。殺青未愆。中繼捐館。法將徂謝。如積劫矣。明歲。余年八十。室人勸請。流通法寶。以報佛恩。遂勉徇其意。然此鈔不敢終闕。於肉燈身座。尤不方敦。趣之故。而韶師囑累。一念。逾於肉燈身座。尤不忍其抑沒也。韶師偈。有曰。七處徵心。妄本空。八還何處。覓行蹤。不知身在含元殿。更問披簾釣雪翁。又曰。不生不滅。是因根。三世如來。共一門。欲識劫前無濕濁。一聲羌笛。閑銷魂。讀斯鈔者。知韶師爲法深心。八傷在卷端。一皆發妙高頂。捷聲矣。韶師住匡山。爲蕭伯玉所請。今茲刻經。伯玉猶子孟昉。首先唱導。亦緣因也。上章因敦。歲三月三日。敬他老人謙益焚香再拜重記。歲月

大佛頂首楞嚴經疏解蒙鈔目錄

卷首 科文悉依原本

一古今疏解品目 二諮決疑義十科

第一卷

一之一 經前十門懸敘 經起如是我聞盡序

分

一之二 起阿難見佛盡七處徵心竟

一之三 起卷中爾時阿難盡卷末

佛頂蒙鈔目錄

第二卷

二之一 起爾時阿難盡含受十方國土

二之二 起阿難白佛言盡及諸羣塞亦復如是

二之三 起阿難汝猶未明盡五陰非自然性

第三卷

三之一 起復次阿難云何六入盡十八界非自

然性

三之二 起阿難白佛盡七大文訖偈讚佛

第四卷

四之一 起富樓那問生起盡如何自欺尙留觀

聽

四之二 起阿難及諸大衆盡云何不成無上知

覺

第五卷

五之一 起阿難白佛盡從三摩地得無生忍

五之二 起阿難請問圓通盡二十四聖說竟

佛頂蒙鈔目錄

第六卷

六之一 起觀音說圓通盡觀音名徧十方界

六之二 起世尊放光現瑞盡文殊說偈獲益

六之三 起阿難請問修行盡六種清淨明誨

第七卷

七之一 起阿難汝問攝心盡如來宣說神呪

七之二 起阿難問漸次修行盡衆生十二種類

第八卷

八之一 起阿難如是衆生盡四加行位

八之二 起十地位盡結經汝當奉持

八之三 起阿難請問六道盡十種仙趣

八之四 起阿難諸世間盡自此已往名爲欲界

第九卷

九之一 起色界一十八天盡總結精研七趣

九之二 起如來將罷法座盡想陰十種魔事

第十卷

佛頂藏鈔目錄

十之一 起阿難諸善男子盡行陰十種心魔

十之二 起識陰十種見魔盡修進最後垂範

十之三 起阿難重復白佛盡流通作禮而去

卷末佛頂五錄

一佛頂圖錄 二佛頂序錄 三佛頂枝錄七分

四佛頂通錄上下 五佛頂宗錄中分 旨上下

二參會 三舉拈 公案 偈頌

大佛頂首楞嚴經疏解蒙鈔卷首

海印弟子蒙叟述

古今疏解品目

唐

崇福寺惟愨法師疏

愨公於至德初年得房相家筆受經函發願撰疏計十一年始

下筆勒成三卷目爲玄贊文義幽蹟盛行西北實此經疏解之祖也高僧傳云愨公撰疏夢妙吉祥乘狻猊自其口入及將微簡寐中見由口而出在乎華嚴宗中文殊智也永明宗鏡引愨公論楞嚴六十聖位深契華嚴圓融法界之旨人知長水釋楞嚴用華嚴宗旨而不知其原本於愨公也長水解經首一時有

佛頂藏鈔卷首

說法領法四對金剛刊定記云此是愨公楞嚴疏意故知長水之疏於玄贊採擷多矣萬松錄載愨師入處徵心科解尤奇崇福義海諸書亦云與福

魏北館陶沙門慧振科判振公初立義例卽此經科

遵用長水云振公八段資中顯稱吾今從古依振公判八段七科開合之異耳北峰七科溫陵五分標指

有別義門不殊後人各樹門牆競標科段清涼訶爲已雜塵飛徒盈紙墨今並裁而削之雖云近師長水

實則遠宗館陶先河後海何必改作振公亦云慧震

蜀資中弘沈法師疏繼崇福而作疏者資中也義例則取諸館陶古今疏解惟此三

師導其前路矣長水疏經多引沈師舊文而不舉其名以義海諸書參之今疏略可考見其解奢摩他三

法云大意與一心三觀相應此則原本止觀即孤山諸師用台觀解經之祖也

長慶道嶽禪師楞嚴說文說文宗門引趙州嗣孫撰此經說文以趙州嗣孫撰此經

會解遂沒其名故其書不傳今於海眼補註大藏一覽等書採其零義略鈔數則唐人以禪宗解經者自長慶始於振沈二師之外別標一宗即溫陵諸師之祖也

五代吳越

永明寺智覺禪師宗鏡錄禪師會三宗學者集錄大乘經論諸家語錄撰

宗鏡錄一百卷折衷法門會歸心要多取證於楞嚴所引古釋即慈振沈三家之說也長水疏經裁決要義用宗鏡為詮準而叙首僧實傳發明永明撰述以徵心直指為緣起古師引法確有淵源今人習而不

佛頂蒙鈔卷首

二

察間有採剽徒取駢偶之詞資為旁義而已蒙之鈔略披支揀集廣引證明零義單詞罔敢遺闕欲使學者知古義有所從來勿尋枝而失幹也

宋

真際崇節法師撰刪補疏

構李靈光洪敏法師撰證真鈔二師疏鈔未見全文略見義海諸錄

長水疏主楞嚴大師子璿撰義疏註經十卷長水初

敏師學賢首教觀尤精於楞嚴已而得悟於瑣那受扶宗之付囑乃依賢首五教馬鳴五重詳定館陶科判採集慈流敏節諸家之解釋通此經勒定一家是中修治止觀參合天台揀辨心識圖收宗鏡理該教

觀文通經論性相審諦悟解詳明裴相之贊圭山云文廣理一語簡義圓以方長水良無愧焉今茲鈔略奉為準繩期於研照智燈刊落枝蔓紫柏有言長水疏經為百代心宗之祖卓哉斯言即寂音義學之詞亦可以息喙矣△稟長水之學者有蘇臺元約疏鈔宋時盛行于世今不傳又有道歡法師手鑑及釋要等皆鈔類也今略見海眼補註及桐洲集註

泐潭曉月禪師標指要義宜陽參學比△閩僧咸輝

楞嚴經義海三十卷已上二書皆長水之流派也月

泐潭道濟庵與其徒應乾論楞嚴指決其科節一依長水取其文之精要刪掇附註乾道中咸輝書記一依究標指知月公本依長水也遂取疏義標指排合經文附以吳興集解目為義海雖採集眾解一以長水

佛頂蒙鈔卷首

三

為綱骨其言曰諸師師承不同得失互見正相與抑揚聖教洗蕩物情亦庶乎通人之言矣

孤山法慧法師智圓經疏十卷谷響鈔十卷釋自撰

△吳興淨覺法師仁岳集解十卷集崇福已下諸解

熏聞記五卷釋自造集解△自智者大師造禮楞嚴

應內身比丘之識用三止三觀貼釋此經吳興岳師力扶孤山張皇其說自時厥後講席師承咸以台觀部屬楞嚴無餘說矣今按孤山教義分明文詞富有十部疏主宜其擅名然其分配三止則觀網未圓錯解三摩則義門未確春前夏滿剋定說經則時教未審蓋亦山外一家之言非此經通義也吳興分衛得悟若拓虛空詞辯從橫穿穴經論妨難側出結彈繁興方諸古人良多新解未免自尊己德下視先賢未

能善自他宗抑亦招建立過當其雪謗扶宗已無上
古豈知靈芝開口更有後人此病於今正煩未能縷
指△桐洲法師懷坦集註十卷南渡已後稟學台宗
車溪大慧稱為教海老龍雖其搜剔苦心未免葛藤
滿紙觀之嗣為北峰印之後為桐洲坦無極度各
有詮釋桐洲集註收神智補註竹庵補遺北峰解
題諸家皆以敷演教觀輔翼圓岳開張本宗顯揚父
祖而已元皇慶中北峰孫我庵本無重為修治附以
私議亦山家一家之書也柏庭善月嗣法月堂竹庵
常命分講著玄覽二卷疏通大意謂一家借位未始
定論斯亦山家之錚錚者矣經肆流傳更有桐洲集
註馮祭酒作序者多引融室廣註知為國初撰
集或桐洲後人託名也懷坦今本譌為思坦
石門圓明禪師洪覺範著尊頂法論十卷音尊者東

書目卷少云

四

吳雷庵正受如方山新論例釐論入經名曰楞嚴合

論而自附己見為論補寂音謂此經說尊頂法明見

學者乃疑以為教乘嘗深觀之得世尊意於諸家箋

釋之外由是造論略正綱宗排斥異說以無頂相

法超見悟明為了知以止觀妙法稱性觀照為方便

使人知成佛顯決修行要門從語言文字三昧證入

自住三摩地如是而已其與靈源論法相抵及其扶

宗衛法之苦心蒙于佛頂枝錄著之詳矣論中妙義

玲瓏逗漏殆如走盤之珠駭難之犀而援據經論斷

章豎義未能盡厥人心者亦間有之如謂佛頂三摩

提為請法中之一也謂菩薩具足萬行非首楞嚴具

足萬行也謂前五識是第八識相分也引喻仰眼識

三心謂第三心為等流也揀長水結歸五重不知是

清涼逆推之法而斥為義學也若此之類或然或疑

將頂論自有綱宗或禪解不無影略世有法匠自出
手眼刊而正之無俾疑誤後學斯亦寂音所印許也
雷庵補註稟承尊頂其統論曰直指之道非觀照所
及如來不能提攝慶喜令其自見自悟至如來自到
境與不得已而示以三摩提之路破五陰魔之惑
是為最後重範信斯言也則此經中宣勝義中最勝
義性總是第二門頭有三摩提名大佛頂首楞嚴王
何謂一門超出觀世音從聞思修入三摩地何以
合諸佛學人承誤莽蕩撥無恐有空魔入其心腑未
能長飲光之笑祇足重石門之悲蒙故不得不辯
也

王文公介甫楞嚴經解文公罷相歸老鐘山之定林

以謂其文簡而肆略諸師之詳而詳諸師之略非識
妙者莫能窺也有宋宰執大臣深契佛學疏解首楞

書目卷少云

五

者文公與張觀文無盡也文公之疏解與無盡之海
眼平心觀之手眼具在具隻眼者自能了別蒙不敢
以宗門之軒輊

張無盡刪修楞嚴改名楞嚴海眼經兼採集諸家之

解及己說為補註無盡刪修楞嚴寬易緣起移置前

河之事換樂特誦帝之因信意增減師心博易全經

面目抹殺殆盡越僧慧印謂為妙喜所印讚公然題

目標為新舊二經雷庵受師抗詞駁正累數千言以

大慧語錄考之宋有孫知縣者會以臆見刪改金剛

經大慧答書以為敢作如是批判招因帶果毀謗聖

經當下無間獄雷庵之駁海眼即移妙喜答孫尹之

書以駁無盡也用其文而隱其人不敢以彈駁海眼

之故移師於妙喜也雷庵之用意亦可謂微而彰矣

推無盡之本病。蓋有兩端。一則禪人習氣。高據宗眼。脫略教乘。觀其論太極邪因。料簡清涼。數行之中。引疏而遺妙。則於他經可知。一則有宋儒者。學臨心大。廬陵敢非十翼。河南擅更載記。移妄成風。無盡遂衡。加於教典也。吾為此懼。普告來者。妙喜復起。不易斯言。

溫陵寶勝禪師戒環要解十卷

環師一生掩關深悟。玄理法華。嚴楞嚴。皆有新解。而是經則於台家觀諦。膠纏封執之後。解黏釋縛。迢然自遠。其識見有大過人者。於時稱之者。以爲長水之疏。元約之鈔。文義浩博。學者泛其波瀾。益昧元本。要解言約義豐。詞暢理詣。披文見經。如指諸掌。蒙竊謂溫陵之解。以長水爲椎輪。闡用其義。門而巧遮其面目。初非能絕出於長水也。長水由禪綜教。能用文字解脫。或其宗趣深。溫陵用禪判教。主於解脫文字。故其宗趣捷。在華嚴宗中。長水遠紹清涼。

知真長少言

六

溫陵別承棗柏。斯其所以別與。環師自敘。謂及觀瑤月圓三師。及長慶巖。閩中度舒王張觀文之說。皆不足爲準繩。其主張未免太過。而近世學者。遂欲宗溫陵而祧長水。此則目睫之論也。

勝國蒙古

天目中峰幻住和尚明本楞嚴徵心辨見或問一卷

中峰癡錄別出△幻住受高峰心要。坐斷死關。於金剛圓覺楞嚴各有發明。當以楞嚴小本付弟子天如。曰吾於微心辨見。略示指點。汝當發明。全經以終吾事。此則師會解之緣起也。今會解列唐宋九師附己。爲十而不錄幻住之解。以爲禪有禪解。經有經義。不欲混爲一門。以長後人之狂慧也。九師之中。刊落長慶說文。亦復如是。此則師集解之深意。殆非今人所知。蒙故表而出之。

中吳師子林天如禪師惟則楞嚴會解十卷

附以補註爲十。高麗麻谷則師解別出△則師得法中峰。受小本付囑。會唐宋諸家疏解。三年而成此書。南北講席。師承墨守。垂二百年。乃有異議。有人言此天如之楞嚴。非如來所說之楞嚴也。蒙詳定此解。其宗印雖本原天目。而教眼則專屬天台。孤山吳興主伯亞旅。收溫陵爲眷屬。置長水爲附庸。宗趣一成一捨。頤異宜其傳久而敝也。此師根據父祖。一室臥雲。於時通人稱其隨機說法。如月印水。會解其最經意。津刻舟之歎。信乎舉揚宗說。易詮註佛語。難習禪之。家拂略義。解雖寂音。未免遺譏。而況其他乎△洪武中。檮李幻居真界。輯楞嚴纂註。燕中講師如相兼採。合論管見等輯。古今合解。皆是會解。枝流故不別開。

知真長少言

皇朝

吳江融室法師淨行楞嚴廣註十卷

持中吳報恩禪寺。註楞嚴楞伽。並行于世。自台辰任觀。詮旨紛如。長水心宗。等閒抹殺。久矣。行師獨歸宗。長水一燈再熾。長水十門首義。一爲剋示真三昧。故吳江曰三摩地。門是楞嚴一經所詮。總相也。長水曰此之三昧。具足多義。吳江曰三摩提。卽非阿難所請摩致多師紛爭三觀。經中三摩地。大總相法。門譬三摩尼寶珠。沈埋塵垢。長水遺文。猶含藏於額內。吳江新解。乃豁露于衣中。蒙故於行師廣註。特爲詮表。使諸方學者。知三摩地總相法。門古人區別已久。故非別立新章。強扶昔義也。

大興隆寺魯山法師普泰楞嚴管見

泰師弘正間名僧也習賢首教

觀又嘗分衛近郊遇草庵翁嫗教習唯識著楞嚴管見力排會解密藏開公曰於經旨不無得失亦多人所未發者

曹溪憨山海印大師德清懸鏡一卷通議十卷

少大依師

長于無極法師講筵深探楞嚴教觀縛禪臺山冰雪中堅凝參究以此經印證照居東海郡羅延窟枯坐三年海湛空澄一夕發悟全經觀境了然心目信筆述懸鏡一卷詞富理圓包絡網晚年結制南岳徇門人之請復著通議以釋全經舉要言之則亦懸鏡之餘耳大師氣宇如王游徧知海夢登彌勒樓閣親受識智染淨宗旨胷中一部楞嚴自海印發光不思議心中流出一心三觀融會發揮自他師訓解則

布寫寶鈔卷信

八

為口頭三觀數他家之珍自大師演說則為當體三觀觀掌中之果文字性離無別解脫懸鏡之云即清涼鏡光無盡之義也乃欲執世諦文字許量虛空不己愚乎△湖南顧愚禪師觀衡初依五臺空印法師聽經論後歸大師提究向上著四依解十卷謂大師懸鏡依三觀分經四分即同溫陵五分一謂三觀體即見道二謂三觀相即修道三謂三觀用即證道四謂三觀名即結經又云楞嚴一經從始至終教義理智因果總一觀字此觀字全體是如來藏心故曰首楞嚴究竟堅固究竟即能觀智堅固即所觀理也撮其要義庶幾不失師門宗旨

紫柏達觀大師真可楞嚴解一卷

紫柏全集中別出△大師得無師智

具金剛心如水中龍如陸中象其研究教乘覃思析理不以性破相不以宗略教不以賢壓台近代宗匠

未有公虛博太若此者伏膺石門之書謂五百年後始知宗門綱宗之說照用生殺之機而其論長水則曰瑤師因讀楞嚴而生疑因疑而參瑤師頓悟清淨本然之心遂為百代心宗之祖初不依寂音之論以義解遣拂也師每言此方真教體清淨在音聞以文字三昧證清淨音聞是首楞一經教體約文拈義每有提唱翦截葛藤超然於箋註之表此解則偶見筆削者也

雪浪三懷法師洪恩經解科判一卷

師與憨山大師

大師入五臺山於冰雪堆中參究大事師承本師法席以南方佛道久湮出為人天眼目其誓願一車兩輪也南北講肆墨守舊聞會解郵傳糾纏熟爛師疏通灑落稱性而談聽聞者耳目更移知見開豁講已輒默然罷去人或請之微笑而已師既擺落文字不肯著書歿後講席雖昌微言中絕世所流傳誦習往

佛頂寶鈔卷信

九

往標記錯雜附會失真蒙于亡友陸氏篋中得故紙一束題曰雪浪楞嚴解枝經理解要言不煩科判一章尤為孤迥觀其指意以謂撮要提綱因指見月古今科行線路煙塵飛皆唯恐不掃而去之也郭人罔辨具隻眼者幸無惑焉△雪浪之高足弟子分擅講註有巢口雨手之目雨即二楞通潤法師撰楞嚴合轍者也此書盛談師門講授顧其開演宗旨略而不傳中年癡香傍歸上黨又復雜拈公案多引機緣借禪門棒喝之談資講筵排演之口魯冠適越潮語帶吳豈能廣設門庭終是自資取闕語云智過於師方堪傳道豈不然乎

雲棲蓮池和尚株宏楞嚴模象記一卷

雲棲專修淨業為念佛大

師不居禪講故有模象之言然謂經中三觀之義隨文皆具他摩必含攝禪那禪那必融會空假時師割

截段落逐文分配無有是處又謂文殊結經五名譯人撮略立題不應將此經十軸挨配經題某卷為大佛頂某卷為如來密因等於時交光正脈初傳江表人謂為雲棲所印讚傾動諸方而不知模象此文超然懸解故已際其茅蘊鍼其膏肓矣厥後有紫柴乘時開講虞山亦曰世尊說法直指人心一句一偈便可入楞嚴大定修證圓通豈必尋行數墨分配一經文句如線貫花而後可入三觀哉此師料揀亦本模象可為誦文之師作應病之藥也△一時講師由雲棲而出者紫柴乘時有講錄十卷雲棲廣莫撰直解虞山鶴林大寂撰義各十卷消文貼釋咸有可採

內江中川法師界澄新疏十卷 五臺空印法師鎮

澄正觀疏十卷 中川通解深密諸經廣搜阿毗達磨藏鉤深索隱釋通此經殆亦所謂多

佛頂寶鈔卷首

說法相少說法性者也然下視時流耳食目學者則天淵矣空印為萬歷中五師之一北方法席最盛博引大小乘諸經論證明首楞行位破所天台借別名圓之說山家諸師奮筆彈駁要其是非未有攸歸也印師博通三藏勇於持論近代賢宗斯為傑出者與

金陵秋溟先生殷祭酒邁太倉東溟先生管公志道

楞嚴質問一卷 殷公有榮木軒贊言一卷論楞嚴要義管公復以質言五則殷別有溫陵

要解輯補十卷管別有問辨覺迷諸錄△皇朝隆萬間儒門有法將二焉殷公習靜牛首從楞嚴金剛乾慧發悟謂楞嚴在五多諸經未聞之義孤山吳興廣博引釋未必與本經符合不若只以楞嚴釋楞嚴也發悟之後徧閱諸解謂直吐心得以經解經無出溫陵之右者夷考其宗趣殆亦所謂以禪判教者

也東溟先生一代儒宗悟入華嚴性海標舉乾元統天之學總持儒釋晚年應諸宗扣擊盛談首楞奧義論覺海元明直窮眾生無明之最初起處論妙明明覺直窮過去宇宙之最初起處其言橫豎三界汪洋恣肆過河沙而放煙海世智辨才靡不卷舌卻步而況於中人已下乎蒙於此鈔略舉緒論聊以抽端啟鑰懸疑送難非敢自附辨香阿其所好也

廬陵會祠部鳳儀楞嚴宗通

金簡謁南嶽天台寺禮書楞嚴於石室以終拜經之願已而徧採宗語配合經文取宗通說通之義作為此書永明有言佛教已明須陳祖意達佛乘者皆與了義相應今則假借門庭鋪陳公案始焉主宗而賓教終將挾祖以令佛謂阿難飛光印可尚是從門而入不如明眼宗師回頭磕腦撒手徹悟如斯判斷大妄語成豈惟阿難不逮

佛頂寶鈔卷首

十一

宗師抑且如來遠輸諸祖任汝說玄說妙一味過頭正恐判教判宗兩門負墮近世儒者此風尤熾禪販指月析洗傳燈不知眼翳五花自謂口吞諸佛濫觴未艾作俑有人能無三歎於金簡哉

交光法師真鑑楞嚴正脈十卷

萬歷庚子潘王殿下製序妙峰登公較刻△天台幽溪法師傳燈玄義二卷 申釋其師百會

解圓通疏十卷△蕩益素華法師智旭玄義二卷文

句十卷 交光自敘緣起謂從楞嚴發悟病中見佛啟江左咸謂經入支那未有此解今則少夷矣夫其奮乎百世之下披判陳言發揮已見不可謂非北方豪傑之士第以攝法未端立宗太勇本祈放除三觀以顯探經願乃割制全經以配三法三摩錯解仍沿舊